

Na: Miembronan di Koalishon MPB-Raphaela-Bernabela-UPB
Att: Sra. Jeanoushka Raphaela, Sra. Esther Bernabela i Sra. Maritsa Silberie
CC: Sra. Désirée (Daisy) Coffie, Sra. Milena Silberie, Sr. Cyril Vrolijk, Sr. Pablo (James) Kroon

Fecha: 15 di mei 2017

Tópiko: Terminashon di Koalishon MPB-Raphaela-Bernabela-UPB di inmediato

Apresiabel miembronan di Koalishon,

Dia 4 di mei 2016 a krea Koalishon MPB-Raphaela-Bernabela i dia 6 di mart 2017 a reaktivá esaki despues ku pa un periodo a pèrdè sosten mayoritario.
Dia 8 di mart 2017 a ampliá e Koalishon akí ku frakshon di UPB pa asina krea un base mas amplio ku e úniko meta pa krea mas stabilitat.

No muchu despues ku a ampliá e Koalishon aki, a lanta un tenshon den koalishon, pasobra diskushon entre sierto Frakshonnan tokante Diputado a bira tópiko di dia. Poko poko pero sigur e tenshon a intensivá i a trata na tur manera pa hinka Partido MPB inhustamente den e diskushon akí kreando aun mas tenshon i hasta frikshon hasiendo funshonamentu di e Koalishon akí kasi imposibel.

Ta un echo ku e situashon den Koalishon a eskalá i awor a bira diskushon den media i ta tachando kredibilitat di miembronan di Koalishon loke no ta un situashon sano pa ningun di e miembronan di Koalishon i tampoko e situashon aki ta sirbi interes general di Boneiru.

Partido MPB a bai elekshon ku e slogan di 'Un Kos Nobo'. E situashon aktual den Koalishon no ta reflehá 'Un Kos Nobo' i ta p'esei Partido MPB a tuma e desishon pa terminá e Koalishon aki di inmediato.

Partido MPB ta deseá un Koalishon nobo ku por hiba polítika nobo, gobernashon na nivel ku un grado haltu di stabilitat ku puntonan di prioridat realístiko kargá pa un tim serio tratando otro ku rèspèt ku e solo meta pa sirbi e pueblo boneriano.

Nos situashon sosial na Boneiru ta grita pa kambio. Partido MPB ke mira dilanti i ta dispuesto pa forma parti di un Koalishon nobo ku tin komo prioridat puntonan klave di gobernashon pa drecha entre otro nos situashon sosial i atendé otro puntonan di prioridat manera penshun, suèldu mínimo, bibienda popular i nos kayanan.


Terminando Partido MPB ta deseá tur miembro ku a forma parti di Koalishon ariba mensioná, éksito ku nan futuro karera polítiko i Partido MPB ta spera ku kada un di nos por keda mira e hende sentral.

Gilbert (Ibi) Antonius



Presidente di Partido MPB

Elvis Tjin Asjoe



Lider Polítiko di Partido MPB